

OPĆINA ŽIVINICE

IZVJEŠTAJ O RADU JP "VETERINARSKA STANICA" DOO ŽIVINICE ZA 2018.GODINU

Živinice, mart 2019.godine

KADROVSKO STANJE

JP "Veterinarska stanica" doo Živinice, zapošljava 11 uposlenih radnika,
od toga 4 sa VSS i 7 sa SSS.

U 2018.godini za vrijeme provođenja masovnih akcija cijepljenja i dijagnostičkih ispitivanja
angažovano je i četiri osobe sa biroa sa SSS na period od 3 mjeseci.

U protekloj 2018.godini rad vet. stanice se zasnivao na slijedećem :

- preventivna cijepljenja
- dijagnostička ispitivanja zaraznih bolesti
- vještačko osjemenjivanje krava
- otkrivanje, suzbijanje i iskorjenjivanje zaraznih bolesti
- mjere DDD
- liječenje bolesnih životinja
- veterinarsko-zdravstveni nadzor
- edukacija građana i stručni savjeti
- obilježavanje i identifikacija domaćih životinja
- higijenski servis

I PREVENTIVNA CIJEPLJENJA

U protekloj godini prema predviđenim zakonskim propisima i u rokovima izvršili smo slijedeća preventivna cijepljenja domaćih životinja :

• CIJEPLJENJE GOVEDA

Protiv Antraksa odnosno "crnog prišta" u 2018.godini od strane JP "Veterinarska stanica" doo Živinice cijepljeno je 2937 goveda.

Akcija je sprovedena od 03.05.-01.10.2018.godine cijepljenje je bilo besplatno s tim da je kanton učestvovao sa 70% a općina sa 30 % sredstava.

U 2018.godini nastavljeno je cijepljenje goveda na " Kvirgavu kožu " od čega je cijepljeno ukupno 2730 goveda.

• CIJEPLJENJE PASA

Cijepljenje pasa i mačaka protiv Bjesnila, rađeno je tokom cijele godine.

Ukupan broj cijepljenih pasa u 2018.godini iznosio je oko 678, što je prema našim procjenama oko 50 % od ukupnog broja pasa.

- CIJEPLJENJE SVINJA

Cijepljenje svinja protiv svinjske u 2018.godini nije bilo. Razlog je drastično smanjen broj svinja Svinjogojstvom se bavi vrlo mali broj poljoprivrednih proizvođača i građani kupuju svinje za klanje koje su već završile tov.

- CIJEPLJENJE OVACA

Program o suzbijanju ove bolesti za period 2009-2019 god., koji se zasniva na cijepljenju ovaca i to prve godine sve kategorije, a kasnije samo jagnjad starosti 3 mjeseca i više.

U prošloj godini vakcinisali smo 1500 jagnjadi starosti 3 i više mjeseci protiv Bruceloze. Ujedno sa sprovođenjem navedene vakcinacije urađena je i vakcinacija ovaca protiv Antraksa ukupno 3000 ovaca.

Troškove vakcinacije ovaca protiv Bruceloze snosio je Ured za veterinarstvo BiH, a troškove za cijepljenje protiv Antraksa iz budžet Općine.

II DIJAGNOSTIČKA ISPITIVANJA

- DIJAGNOSTIČKA ISPITIVANJA GOVEDA

Dijagnostička ispitivanja muznih grla na Zakonom propisane zarazne bolesti (Bruceloza, TBC, Leukoza), rađena su tokom cijele godine.

Program "Monitoring bruceloze i tuberkuloze" mliječnih goveda realizovan je u cijeloj BiH. Zahvaljujući navedenom programu Monitoringa, koji se sprovodi zadnjih godina i koji je finasiran u cjelosti od strane „SIDA-e“ i entitetskih ministarstava poljoprivrede, Ured za veterinarstvo BiH, vlasnici su oslobođeni plaćanja dijagnostičkih ispitivanja.

Sve životinje čije se mlijeko koristi za javnu potrošnju, a prije stavljanja u promet mora biti podvrgnuto laboratorijskim pretragama na bakterije i somatske ćelije, gdje se dobije odgovarajući nalaz sa ispitanim parametrima.

Vlasnik je dužan da svako muzno grlo ispita i CMT testom (mastitis test).

U toku 2018. godine JP Veterinarska stanica je vršila ispitivanje CMT testa u dva kruga, od čega je ispitano 2826 muznih grla.

JP "Veterinarska stanica" doo Živinice u 2018. godini odradila je analizu kod 3000 goveda na Brucelozu, dok je na TBC-u ispitano 3000 grla krupne stoke.

U 2018. godini na teritoriji Općine Živinice otkriveno je 5 životinja-goveda pozitivnih na Brucelozu.

Životinje su eutanazirane na porodičnim imanjima uz prisustvo kantonalne vet. inspekcije, predstavnika MPVŠ TK-a odnosno kako nalažu propisi o eutanaziji pozitivnih životinja. Ovdje napominjemo da mi kao lokalna zajednica nemamo "stočno groblje" za ukopavanje pozitivnih životinja, te su vlasnici primorani ukopavati na svojim imanjima.

• DIJAGNOSTIČKA ISPITIVANJA OVACA I KOZA

Dijagnostička ispitivanja ovaca na brucelozu rađena su na zahtjev vlasnika ili nakon otkrivanja zaraženih i oboljelih ljudi. U prošloj godini urađene su analize krvi kod 42 ovce i 37 koza.

Nažalost, u 2018. godini imali smo i 12 pozitivnih životinja (koze).

- PREGLED SVINJSKOG MESA NA TRIHINELOZU

Ispitivanje svinjskog mesa na parazitaru bolest «Trihinelozu» se obavlja kontinuirano svake godine,tako da je u 2018.godini ukupno je ispitano 212 uzoraka svinjskog mesa,pri čemu nismo otkrili pozitivne slučajeve na Trihinelozu.

- PREGLED PČELINJEG LEGLA - AMERIČKA KUGA

Zadnjih godina na našoj općini u saradnji sa UG " VRIJESAK" radi se uzimanje uzoraka pčelinjeg legla radi ispitivanja na Američku kugu. Tako je u 2018.godini uzeti uzorci od 67 vlasnika koji imaju oko 2600 pčelinjih zajednica.

U 2018.godini nisu zabilježeni pozitivni slučajevi pčelinjih zajednica na Američku gnjiloću.

III VJEŠTAČKO OSJEMENJIVANJE

U protekloj 2018.godini izvršeno je 4750 osjemenjivanja goveda.

U 2018.godini smo nastavili sa realizacijom plana da jedan dio sredstava iz budžeta,a koji je namijenjen za Program mjera zdravstvene zaštite domaćih životinja izdvojimo za vještačko osjemenjivanje,kako bi se konačna cijena naše usluge smanjila za naše farmere.

IV TERAPIJA I LIJEČENJE ŽIVOTINJA

Što se tiče liječenja oboljelih životinja, u 2018. godini je urađeno više veterinarskih intervencija u odnosu na prethodnu godinu, kako na terenu tako i u ambulantom koje gravitiraju na području naše lokalne zajednice.

V VETERINARSKO-ZDRAVSTVENI NADZOR

U vršenju veterinarsko-zdravstvenog nadzora nad životinjama i proizvodima životinjskog porijekla angažovana su tri doktora veterinarske medicine. Na području općine egzistira nekoliko firmi čija su skladišta namirnica animalnog porijekla.

Svi ti objekti su pod veterinarsko-zdravstvenim nadzorom u smislu pregleda namirnica kod istovara,pretovara i utovara.Pored pregleda vrši se i redovna deratizacija i dezinfekcija u skladu sa pravilnicima o mjerama DDD-a.

Nažalost,na našoj općini nemamo klaonica za krupnu i sitnu stoku,kao i klaonice za perad.

VI MJERE DDD

Tokom cijele prethodne godine vršene su mjere DDD-a,u vidu dezinfekcije prevoznih sredstava i dvorišta u kojima su utvrđene zaražene životinje.Dezinfekcija i deratizacija objekata i skladišta namirnica animalnog porijekla,te dezinfekcija i asanacija terena nakon neškodljivog uklanjanja zaraženih životinja.

VII PRODAJA PILIĆA, STOČNE HRANE I VETERINARSKIH LIJEKOVA

Jedna od osnovnih djelatnosti naše ustanove je prodaja jednodnevnih tovnih pilića, tučića, ručne prodaje lijekova za upotrebu u veterinarstvu. Iz navedene djelatnosti ubiremo određena sredstva koja su svake godine manja nego prethodnih godina. Razlozi za ovakvo stanje su nelojalna konkurencija u smislu bavljenja ovom djelatnošću lica i subjekata mimo zakonskih okvira (prije svih poljoprivredne apoteke). Da bi se ovo stanje zaustavilo potrebno je veće angažovanje nadležnih općinskih i kantonalnih inspeksijskih organa.

VIII EDUKACIJA GRAĐANA I STRUČNI SAVJETI

JP "Veterinarska stanica" doo Živinice tokom čitave godine radi na edukaciji vlasnika životinja i uvijek smo bili servis našim građanima kad god su tražili našu pomoć.

IX OBILJEŽAVANJE I IDENTIFIKACIJA DOMAĆIH ŽIVOTINJA

U prošloj godini na području naše općine nastavljen je projekat označavanja goveda, ovaca, koza i svinja što je jedan od bitnih preduslova za ulazak BiH u EU. Identifikacija životinja na našoj općini ne ide dinamikom kako nalaže Pravilnik o označavanju, ali se nadamao da će u saradnji sa inspekcijom i taj projekat u potpunosti zaživiti na području čitave BiH.

X HIGIJENSKI SERVIS

JP "Veterinarska stanica" doo Živinice je tokom 2018. godine ispunila planirane aktivnosti iz okvira Higijenskog servisa. U sklopu navedenog projekta u toku prethodne godine izvršena je sterilizacija/kastracija preko 330 pasa lualica.

Higijenski servis u sklopu Veterinarske stanice radi na principu: uhvati psa lualicu, doveze u prostorije veterinarske stanice gdje se uradi klinički pregled, zdrav pas se sterilizira/kastrira, obilježi ušnom markicom, tretira antiparazitaranom i antirabičnom terapijom. Nakon čega se pas vraća na mjesto odakle je pokupljen. Ako se kliničkim pregledom utvrdi da je narušeno zdravstveno stanje psa, isti se liječi a nakon toga slijede ostale intervencije kao i na zdravom psu.

Općina Živinice treba pokušati ostvariti saradnju sa drugim općinama koje gravitiraju uz našu općinu kako bi se formiralo zajedničko prihvatilište na nivou tri općine. Formiranjem prihvatilišta smanjili bi broj pasa lualica u gradskoj zoni, kao i broj pasa u našim mjesnim zajednicama.

U 2018.godini nastavljena je saradnja sa fondacijom Dogt Trust BiH, a koja finansira određen broj sterilizacija/kastaracija na području naše općine Živinice.

Analiziranjem stanja populacije pasa lotalica na našoj lokalnoj zajednici, kroz sve ove aktivnosti koje se provode uvidjeli smo da se samanjio broj pasa na našoj općini.

JP "Veterinarska stanica" doo Živinice je u toku 2018.godine nastavila dobru saradnju sa volonterima za zaštitu životinja sa područja TK-a.

JP " Veterinarska stanica "doo Živinice bez obzira na situaciju koja se dešava na terenu kako sa smanjenjem stočnog fonda,tako i konkurencijom koja je prisutna na našoj općini,s pravom mogu da kažem da smo i u 2018.godini ostvarili zavidne rezultate u svom poslovanju.

Redovni godišnji popisi su na vrijeme završeni,Centralna popisna komisija sačinila je svoj izvještaj i uputila na Nadzorni odbor koji je usvajan.

Apelujemo na Općinsko vijeće , Načelnika i njegove saradnike da se iznađe mogućnost kako bi se odredila lokacija za stočno groblje, koje je neophodno za našu lokalnu zajednicu.

Finansiranje JP "Veterinarske stanice" doo Živinice u 2018.godini

Finansiranje svih nabrojanih preventivnih i drugih mjera zaštite zdravlja domaćih životinja, vršena su iz slijedećih izvora:

1. Ured za veterinarstvo BiH
 2. Federalno ministarstvo poljoprivrede, šumarstva i vodoprivrede
- Kantonalno ministarstvo poljoprivrede, šumarstva i vodoprivrede
 - Općina Živinice
 - Vlasnici životinja

Učešće općine Živinice u finansiranju našeg preduzeća budžetom za 2018.godinu je:

- Poticaj poljoprivrednoj i stočarskoj proizvodnji 90.000,00 km , od čega je 50% sredstava planirano za potrebe JP" Veterinarska stanica" doo Živinice
- Potrebe Higijenskog servisa u iznosu 15.000,00km

Do sada smo uz Izvještaj o radu JP "Veterinarska stanica" doo Živinice dostavljali i Izvještaj o zdravstvenom stanju životinja.

Međutim, ovaj izvještaj nismo dobili od strane Ministarstva poljoprivrede, vodoprivrede i šumarstva TK -a ,jer nisu ažurirali sve podatke sa terena do momenta izrade Izvještaja o radu za 2018.godinu.

S poštovanjem !

VD direktor
Dr.vet.med. Senad Glavinić
